



四川通志卷十一

輿地志 十

山川 二

重慶府

巴縣 附郭

巴山在城內

縣志郡城主山歷無考定治平寺古碑載古渝西山禪院以江之對岸有

東山坪也是言方向未可名山通志載在城為金

碧山但引王褒金馬碧雞故事則訛輿地紀勝以

縉雲山為巴山在縣西南一百三十里方向既殊

義亦無取惟通考載巴子國後周縣有巴山塗山

雖未指巴山在城而塗山與城對峙似連而及之

之義日在水以三折而成巴字故江曰巴江縣曰

輿地 山川 重慶府一

巴縣則山自名巴山於義正於地更切其最秀結
穴處則崇因寺右之金碧山也沿山爲城環江爲
池人煙塵市傍壑凌霄有千佛巖滴珠泉七星坎
洪崖洞

塗山在縣東一里

寰宇記在縣東南八里岷江南岸高七里周迴二十里東接石

洞峽華陽國志云夏禹娶塗山今江州塗山是也
有廟存明統志山址有石中分名曰龍門其下水
與江通舊志夏禹塗后祠故址在焉山因以得名
附元賈元碑記華陽志云渝郡塗山禹后家也古
廟廢宋至壬辰郡守費著仍建廟嘗考娶於塗山
之說一謂在此一謂在九江當塗東漢郡志云塗
山在巴郡江州杜預考曰巴國也有塗山禹廟又
古巴郡志云山在縣東五千二百步岷江東折高
七里周三十里酈道元水經注云江州塗山有夏
禹廟塗后祠九江當塗亦有之杜預所謂巴國江
州乃今重慶巴縣江州非九江之江州也漢史蜀
志有稽至今洞曰塗洞村曰塗村灘曰遮夫石曰

啟母復合帝王世紀蜀本紀華陽國志元和志等
書參考之禹乃汶山郡廣柔人其母有莘氏感星
之異生禹於石紐廣柔隋改廣柔爲汶川石紐在
茂州域隸石泉軍所生之地方百里夷人共營之
不敢居牧靈異可畏禹爲蜀人生於蜀娶於蜀古
今人情不大相遠導江之役往來必經過門不顧
爲可憑信先是帝曾大父曰昌意爲黃帝次子娶
蜀山氏生帝顓頊顓頊生鯀鯀生帝帝之娶於蜀
又有自來又謂蜀塗山肇自人皇爲蜀君掌塗山
之國亦一徵也至會諸侯於塗當以九江郡者爲
是東漢郡志云山在當塗杜預云在壽春東北今
有禹會村柳子有銘蘇子有詩且於天下稍向中
會同於此宜矣通鑑外紀亦云禹娶塗山之女生
子啟南巡狩會諸侯於塗山如是則娶而生子生
子而後南巡南巡而後會諸侯娶則在此會則在
彼次序昭然會稽乃致羣臣之地或崩葬之所故
有禹穴所謂塗山一曰棟山一曰防山紛紛不一
太平乃晉成帝世當塗之民徙居於此故亦名其

縣曰當塗好事者援此以爲說而實非塗山世次
綿遠地名改易煩亂傳會不足徵况會稽塗山在
禹時未入中國禹安得娶彼哉今特辯而正之庶
祠廟之建得其本真而后受享於謫生之地尤不
可闕爾按水經注江水北岸有塗山常璩庾仲雍
竝言禹娶於此酈道元云余按羣書咸言禹娶在
壽春當塗不於此也

國朝

王士正記康熙壬子十月初八日舟抵重慶府古

渝州也明日登塗山林生敦本從常氏謂禹娶於
塗山辛王癸甲而去卽江州塗山是也有禹祠及
塗后祠酈氏辨之以爲禹娶在壽春當塗非此倦
游錄云禹廟後一氈裘像侍衛皆夷人云是禹婦
翁也操小舟由龍門登岸龍門者江濱積石中斷
如門俗謂龍門浩巴人謂小港爲浩今戎州亦有
金箱浩也浩之上瀑布如練數折入江右卽粉水
亦曰清水穴穴石卽海棠溪邇瀑布上石瀨泓然
茆屋十餘架閣以居畧約通往來山半時有稻畦
凡十八里屢折益峻東倚奔峭西俯絕澗至一天

門更上二里許度迴龍橋抵真武觀遵西麓而上
登鐵桅峰卽塗山絕頂矣下視羣山纍纍如蟻垤
三江合流曲折正如巴字渝城孤峙江中宛如龜
之拽尾記稱渝城有門十七九開八閉以象九宮
八卦云西北爲縉雲山山有迦葉尊者手跡上有
相思寺生相思竹形如桺釵遵東麓而下石磴高
危俯視千仞令奴子夾持以行下行登舟順流至
朝天門林生別去夏塗山歌綏綏白狐九尾龐龐
我家嘉夷來賓爲王成子室家我都攸昌天人之
際於茲則行明矣哉唐寇泚詩小年弄文墨不識
戎旅難一朝事鞞鼓策馬度塗山塗山橫地軸萬
里流荒服悠悠征旆遠駢驂一何速流月揮金戈

國朝

朱爾邁詩昔我上三關匹馬何風發草青嘶益驕

高下凌出沒顧見雙石門峩峩接天闕虎眈一夫
雄萬人豈能越可憐戰伐移竟爲豺狼窟酒肉厭
朱門風雨聞白骨亦有桺李花開落春三月千里
無人煙棲宿在林樾令我泛舟還風波走艤觥一

望去時路嚴霜披
天地終茫茫人事多
鬱結漫拭青萍刀更
拂珊瑚
玦乘時在壯年俯仰
慙時哲朱樟詩
龕山嶠喝爭
聲牙十日五日披陰
霞渝江吐納百川濁
秋泉瀦
合拖長蛇朦朧巨艦
盡改岸閣欄小戶還
移家蜀
艇坐人送天上飛槽
無蒂誰能挈三老掉
頭不肯
住豈羨張騫八月槎
我來正值月離畢閑
坐江樓
消白日瞿塘疾雷舟
可吞灩澦怒人髮不
櫛峽程
嶮遠何時歸百口見
屠防小失揭步誰非
父母身
馬肯虛舟任漂窵開
柁先愁窘路長鼓枻
須謀吉
日出吁嗟乎人生坦
途未易遭宦海何地
無秋濤
妻孥相對不敢哭符
牒甫下心旌搖傳旗
所過斷
卒走雞犬啁嘶嬰兒
號此江須臾過水信
嵌根淺
渴皆歸漕輕帆一日
超下牢眼見撇捩辭
坑壕

金碧山在縣城內漢時分祠金馬碧雞處也宋淳

祐中制置使余玠因舊址累爲臺曰金碧臺

縣志按王

襄所祠之金馬碧雞在滇襄資中人卽望祭道亦
不經此其訛無疑或因臺在崇因寺側遂謂世尊
莊嚴贊相爲金碧亦無考明郡守張希召建堂山
上顏曰金碧山堂
國朝乾隆二十四年郡守書敏卽臺址建亭顏曰金碧

眞武山在縣東南七里山勢極高雲巖泉澗鳥道
曲盤絕頂雄視兩江城如浮葉澄鑑亭側有明萬
歷二十三年鐵柱山左有眞武宮爲郡城第一屏
幃卽塗山之絕頂眞武其俗稱也
老君山在縣東南七里有石洞卽華陽國志所謂
塗洞是也俗呼爲老君洞詳見後

白崖山在縣北三十里

明統志在縣西北五十里又名朝陽山縣志在縣西

五十里高二里左距聖燈右帶清溪附明僧海明詩太白危崖路凌風獨杖藜家家松影合處處竹煙迷雲嬾歸秋壑風高落晚溪騷壇詩骨在傳與夜烏啼

踰越山在縣西七十里巉巖高聳踰越羣山又名

明越山

瀛山在縣二十里壁立高峻有四十八面而皆不

同唐置瀛山縣於此元和志在南平縣西南三百七十里以其高峻象海中蓬

瀛故名縣志按瀛山在綦江縣東南與黔省桐梓仁懷相毘連通志載入巴縣巴人遂以塗山爲瀛

山皆誤

重壁山在縣西一百三十里一名巴山四面高中
央平曲周圍約一百里中有一孤山西北險絕東
南坦平因名重壁

南坪山在縣南一百五十里又名青山高四里

輿地

紀勝在縣西北九十里誤縣志按南平城離城十里不以山名縣南一百五十里無南平山又名青山者

雲鳳山在縣西四十里山有川主廟

縣志在城西南五十里高

一里踰江左岸由塗山迤邐而至浮翠畱陰林麓
翳鬱陟巔一望邱陵拱伏有川主古刹

屈賓山在縣東南一百里

龜停山在縣西大江中宛如龜形

又見江津縣志山在縣西六

十里

四面山在縣西北一百一十里四圍陡壁上有金

田寺縣志作觀音寺右有出米洞

縉雲山在縣西接永川壁山界

寰宇記在縣西一百三十七里其山

高聳林木鬱茂下有泉水東西分流傳云黃帝於

此山合神丹故此山得名以紀之輿地紀勝謂之

巴山一名鳳凰山在縣西南一百三十里元統志

山有九峰其中二峰最秀一名香爐一名獅子左

接魚鹿峽入涪江右入江津縣界華蓋峰達於岷

江橫亘二百餘里明統志有來鳳山在府一百三

十里亦縉雲之異名也舊志在縣西八十里壁山

縣東北二十里明萬歷間建寺於上梵宇幽靜明

大學士王應熊曾讀書於此（縣志）按此山接壁山縣界高數萬仞碧水合流蒼梧鬱翠上有朝日香爐玉尖寶塔獅子猿嘯聚雲石照蓮花九峰

霖峰山在縣南百里高七里遇旱禱之輒應又名

霖降山

沱江山在縣南五十里又南十里有冠山又十里

有太華山

（寰宇記）有諭弄山在南平縣東北七里

歌樂山在縣西三十里

（縣志）羣峰北向翠靄深濃上有雲頂寺祀川主李冰

次子俗傳二郎治水曾歌樂山上故名寺側有龍泉下有冷水溪鳳凰溪明王應熊題峰高五嶽四

字

國朝上爾鑑賦乾隆癸酉八月晦日熊耳山人于役於

梁灘之壩憩息乎歌樂之山煙消萬井雲淨層巒
孤峰拔地石磴盤天攀藤附葛乃陟其巔東眺巴
渝夔萬荆楚迴環西瞰青神玉壘峩眉蜿蜒聞漢
涪嘉龍盤於後金瀘岷沫虹控於前登是山也胸
可拓塵可湔摘星斗傲倨佺上下乎千古橫覽乎
八埏爰顧名思義歌樂昔傳匪風匪雅無管無絃
卽而聽之空山寂然豈仙歌之有異抑塵聽之無
緣求其故而不得攜匡牀以倦眠爾乃夜夢山靈
莞爾而笑笑予汨塵未識至道無形無聲含孕大
造形形聲聲難名厥奧出沒於山水之間隱約乎
高深之妙河嶽効靈現乎龜龍熊耳嵩嶽巍峙天
中子乃去之之乎山東東有滄海無風自震日月
含光島嶼列映子乃去之弗游弗泳梁父纍纍泰
山巖巖層雲澹宕碧霞蹁躚子雖登之未叩其關
自東徂西取道華陰三峰雲障繡嶺塵侵子雖過
之未隄遙岑南來馭棧劍外是遊錦城三載星馳
雲流泊來巴渝歲逾兩周雲山雅戀心血空嘔乾
坤傀儡川嶽癭癭亦烏識夫元音之緲緲仙樂之

悠悠乎山人曰鳳凰之鳴鳴以嶰竹律呂之調調
以金玉既備乃奏神來賓肅六代宮懸四朝樂器
聲有正變器無不備山靈之言道存器廢將何以
鳴萬物之和宣天地之氣哉山靈曰器不可廢樂
不可執執器求樂器存樂逸因樂制器器從樂出
樂無所在無所不在宣於寰中超然象外不見夫
青峰插漢麗日當空樵吟牧唱響蒼谷風不見夫
絕巘雲合雪飛雨瀉珠碎晶簾玉敲鴛瓦聿聞鳥
雀嘯啼陰晴聿聞蟲蠕草吟岩鳴嚶嚶唧唧啞啞
嚶嚶維篁有韻戛然鳴谷維瀑飛花泠然削玉淙
淙琤琤悠悠曲曲若乃長江夜靜波撼雲湍老樹
風搖聲與盤旋叩之杳杳聽之閒閒若乃松濤泛
月碧落聲送雲陣排空清虛鼓動於焉怡情於焉
悅性是惟無形形由心生是惟無聲聲發籟聞上
乃釣大丁乃奮地維山之歌疇識三昧言求之而
難名神領之而可會山人聽之憬然悟默然退實
獲我心喜而不寐山靈載歌曰孕鴻鈞兮氣渾南
叟元音兮山水閒與子遇兮歌樂山熊耳山人賡

歌曰山水薄今有清音綿地天今無古今山靈啟
予兮發長吟

固城山在縣東南八十里長一里四面巖塹固若
城郭古煙墩基址尙存時代無考有洪巖崙岳家
山喻家巖

九井山在縣東南二百四十里縣志舊傳山半石
隙泉流九渠灌漑
田畝山後有小巖洞大嵐埡燕子巖

聚雲山在縣西南九十里自真武山分派雲氣舒
捲散而復聚有聚雲宮

靈芝山在縣西南七十里

文峰山在縣西南八十里高二里長二十里重峰
疊嶺蒼翠深濃

太慈山在縣西南六十里〔縣志〕山石軒昂萬狀千
彙龍開飛蝶二山環拱
老鷹巖流水巖野鹿洞俱高深奇闊難以丈度

寶峰山在縣西北一百里高四里岡長六十里〔縣志〕

奇峰異谷翠黛煙籠山半溫泉又名溫泉山有溫
泉寺寺側洞深二丈昔傳有蟒爲妖經大茆真人
法驅之民獲安今稱大蟒峽

智燈山在縣西北一百五十里高一里長十里頂
有一石高二丈橫六尺形如壁立上嵌一石若燈

山川
重慶府八

有光四照

大霖山在縣西北一百七十里高五里長六十里
林茂箐密形勢磅礴有高灘聞水響卽沛甘霖里
人以此卜雨

龍篆山在縣西北九十里高一里岡長五里篆鼻
如龍山側有土地巖

雲臺山在縣西北一百里峰勢高騫林光綽約山
左雲臺寺建自宋祥符元年

豐文山在縣西北七十里高二里三面懸巖峻壁